

անապատանայ յայրմանէ հրոյ, որ ի գիւղն կայր հանդէպ ծառին: Ձայրումն ծառիս և զհատանումն վարդապետք մեր պատմեցին, որք ականատես էին այսմ:

Մարտի Լ¹⁾ Լուսաւորչի կիրակէի եկն Աստուածատուր վարդապետն Սաչատուր վարդապետին և այլ ամենայն միաբանօք ի Կաֆայոյ, յորում աւուր Մաղկաղարդ էր ազգին Ֆռանկաց, որ զօրինակ նշտեւոյն Քրիստոսի յաւանակի արարին. զի նախ երթեալ մեծաւորն ի Բեթանիայ²⁾ և ածին զյաւանակն առ նայ, և հեծեալ անդ ի վերայ նորա իջանէր ի Լեռնէն Ջիթենեաց, և յանցս ճանապարհին յամենայն ազգաց՝ Յունաց և Հայոց, Տաճկաց և ի Հրէից և յայլասեռից, արանց և կանանց, ծերոց և տղայոց՝ նստէին արտաքոյ քաղաքին առ ի տեսութիւն. և զայր մտանէր յաւանակաւ ի քաղաքն Երուսաղէմ ի զրանէ Սուրբ Փլըրկչին և Սիոնին, և որ առաջի և զկնի երթալին յաշակերտաց նորա և ի Ժողովրդոց, զՈվսաննան կարդալին և այլք զհանդերձս տարածանէին ի ճանապարհին և ոմանք ոստս ի ծառոց հատանէին և մատուցանէին նմա. և զայր առաջի զրանէն Սուրբ Յակոբայ անցանէր և երթալ ի վանս իւր: Եւ փաշայ քաղաքին ոչ շատ հեռագոյն երթալ յետոյ զկնի նուրա, զի ի բազմաց ելեւոցն ի տեսութիւն նորին միլիցի կռիւ և աղմուկ: Ի միւսում ամի Աբդուհիմն մուհտի, որ ետ ֆեթվայ սպանման թաղաւորին, մանգուլ արարին և ետուն զԵրուսաղէմ նմա ի դատաւորութիւն. սալ ոչ թողոյր, արգելոյր զնստիլն յաւանակի Ֆռանկաց այն աւուր իւրեանց Մաղկաղարդի: Եւ յայնմ հետէ խաբանեցաւ այն օրէնն, որ առնէին ի քաղաքն Երուսաղէմ: Եւ յետ ամաց ինչ այլ փաշայ և զատի ասացին նոցա առնել. ոչ կամեցան ձը-

1) ԼԱ.

2) Բեթանիայ.